Ўзбекистон Республикаси номидан ХАЛ ҚИЛУВ ҚАРОРИ

Ғаллаорол тумани

2023 йил 19 декабрь

Ғаллаорол туманлараро иқтисодий судининг судьяси А.Норқўзиев раислигида, судья ёрдамчиси Э.Мамаражаповнинг котиблигида, даъвогар вакили О.Қулдошев (2023 йил 12 декабрдаги 152-сонли ишончнома асосида) жавобгар фермер хўжалиги раҳбари А.Саматов иштирокида, даъвогар "JIZZAX FV AGROKLASTER" масъулияти чекланган жамияти манфаатида Ўзбекистон Савдо-саноат палатаси Жиззах вилоят худудий бошқармасининг жавобгар "SAMATOV ABDUKARIM XOSILI" фермер хўжалигидан 14.800.000 сўм қарздорлик ундириш тўғрисидаги даъво аризаси бўйича ишни Ғаллаорол туманлараро иқтисодий суди биносида бўладиган очиқ суд мажлисида кўриб чиқиб, қуйидагиларни

аниқлади:

"JIZZAX FV AGROKLASTER" масъулияти чекланган жамияти - ("Етказиб берувчи") ва "SAMATOV ABDUKARIM XOSILI" фермер хўжалиги ("Буюртмачи") ўртасида 2023 йил 14 мартдаги F/107-сонли "Қишлоқ хўжалик маҳсулотлари харид қилиш бўйича" контрактация шартномаси тузилган.

Мазкур шартнома шартларига кўра, "Етказиб берувчи" – "JIZZAX FV AGROKLASTER" масъулияти чекланган жамияти уруғлик картошкани "Буюртмачи" - "SAMATOV ABDUKARIM XOSILI" фермер хўжалигига етказиб бериш, "Буюртмачи" - "SAMATOV ABDUKARIM XOSILI" фермер хўжалиги эса "Етказиб берувчи" – "JIZZAX FV AGROKLASTER" масъулияти чекланган жамияти томонидан етказиб берилган уруғ картошкани ҳақини тўлаш мажбуриятини олган.

Ушбу шартномага асосан, "JIZZAX FV AGROKLASTER" масъулияти чекланган жамияти томонидан "SAMATOV ABDUKARIM XOSILI" фермер хўжалигига 14.800.000 сўмлик уруғлик картошкани етказиб берилган.

Даъвогар "Қарздорликни тулаш туғрисида" ги талабномалари жавобгарга жунатилган. Жавобгар томонидан даъвогарнинг "Қарздорликни тулаш туғрисида" ги талабномалари ижросиз ва жавобсиз қолдирилган.

Ушбу ҳолатга асосланган даъвогар судга даъво аризаси билан мурожаат этишга мажбур бўлган.

Ўзбекистон Республикаси Конституциясининг 55-моддаси 3-қисмига кўра ҳар ким бузилган ҳуқуқ ва эркинликларини тиклаш учун унинг иши қонунда белгиланган муддатларда ваколатли, мустақил ҳамда холис суд томонидан кўриб чиқилиши ҳуқуқи кафолатланади.

Шунингдек, "SAMATOV ABDUKARIM XOSILI" фермер хўжалиги томонидан 3.943.000 сўм тўлов амалга оширган. Бироқ, қолган (14.800.000–3.943.000=) 10.857.000 сўм уруғлик картошка ҳақи бугунги кунга қадар тўлаб берилмаган.

Натижада, жавобгар "SAMATOV ABDUKARIM XOSILI" фермер хўжалиги даъвогар "JIZZAX FV AGROKLASTER" масъулияти чекланган жамиятидан 10.857.000 сўм қарздор бўлиб қолган.

Суд мажлиси муҳокамасида иштирок этган даъвогар вакили О.Қулдошев тушунтириш бериб, даъво аризани қўллаб-қувватлаб, қисман қаноатлантириб беришни сўради.

Суд мажлисида иштирок этган жавобгар фермер хўжалиги рахбари А.Саматов тушунтириш бериб, даъво талабини қисман бартараф этганлигини, қолган қарздорликни тез кунларда тўлаб беришини маълум қилди.

Ўзбекистон Республикаси Фуқаролик кодексининг 236-моддасига кўра, мажбуриятлар мажбурият шартларига ва қонун ҳужжатлари талабларига мувофиқ, бундай шартлар ва талаблар бўлмаганида эса - иш муомаласи одатларига ёки одатда қўйиладиган бошқа талабларга мувофиқ лозим даражада бажарилиши керак.

Ушбу Кодекснинг 333-моддасига кўра қарздор айби бўлган тақдирда мажбуриятни бажармаганлиги ёки лозим даражада бажармаганлиги учун, агар қонун ҳужжатларида ёки шартномада бошқача тартиб белгиланмаган бўлса, жавоб беради.

Ушбулардан келиб чиқиб, суд даъвогарнинг даъво аризасини қисман қаноатлантиришни, давлат божи ва почта ҳаражатларини жавобгардан ундиришни лозим деб ҳисоблайди.

Юқоридагиларга кўра ҳамда Ўзбекистон Республикаси Фуқаролик кодексининг 236, 333-моддаларини, Ўзбекистон Республикаси Иқтисодий процессуал кодексининг 118, 176-179, 186-моддаларини қўллаб, суд

қарор қилади:

Даъвогарнинг даъво аризаси қисман қаноатлантирилсин.

Жавобгар "SAMATOV ABDUKARIM XOSILI" фермер хўжалигидан даъвогар "JIZZAX FV AGROKLASTER" масъулияти чекланган жамияти фойдасига 10.857.000 сўм қарздорлик ва 33.000 сўм почта харажати ундирилсин.

Жавобгар "SAMATOV ABDUKARIM XOSILI" фермер хўжалигидан Республикаси бюджетига 330.000 сўм давлат божи ундирилсин.

Хал қилув қарори қонуний кучга киргач ижро варақалари берилсин.

Ҳал қилув қарори қабул қилинган пайтдан бошлаб бир ой муддат ўтгач қонуний кучга киради.

Мазкур ҳал ҳилув ҳароридан норози тараф бир ой муддат ичида шу суд орҳали Жиззах вилоят судининг иҳтисодий ишлар бўйича судлов хайъатига апелляция тартибида шикоят (протест) келтириши мумкин.

Судья



А.Норқўзиев